

АҚМЕШІТ

Жаннан қымбат оларға ар,
Мен жастарға сенемін.

Мағжан



Газет 2013 жылдың
қыркүйек айынан бастап шығады

ЖАСТАРЫ

Қызылорда облыстық жастар газеті

№ 2 (539)
11 қаңтар, 2024 жыл

Редактор сөзі

ЖАҢАРҒАН «ЖАСТАР»



Құрметті оқырман, «Ақмешіт жастары» газеті айтары да, айбары да бар басылым. Өзінің он жылдық тарихында талай түлекті түлетіп, жас журналистердің шабытын шындаған ұстахана.

Ұлт үмітін арқаалаған жігерлі жастар – ел ертеңі екені айқын. Үміт пен сенімді ақтау олардың басты парызы. Сол себептен де қазіргі қоғамның жетекші күші ретінде еліміздің дамуы, салалардың жандануы үшін жауапты.

Қазақтың тарихы мен мәдениетінің тағдыры, дамуы мен модернизациялануы, жалпы бүгінгі мен ертеңі де жастарға байланысты. Қай заманда, қай елде болсын, асқақ арман, үкілі үміт, биік ар мен өр намыстың символы болған да осы – жастар. Осындай рухты екпін енді басылым бетінен анық аңғарылады.

Ашып айтар болсақ, жаңа маусымда газеттің дизайні жаңа кейіпке еніп отыр. Оған қоса, жанрлардың әр алуандығы, мазмұнды мақалалар, сырлы сұхбаттар, сүбелі сараптамалар, қызықты деректер, айшықты айдарлар ойлы оқырманға жиі ұсынылады. Сіздерден келген хаттар да тасада қалмай, байланыс беки түспек.

Айдар САЙЛАУОВ

Өнер атаулыда жүйелі құрылым өзекті. Шығарманың мән-маңызын айшықтау үшін де бас-аяғын күзеп, тігісін жатқызу оңай шаруа емес. Осы орайда талғамға толы талпыныс пен көзқарасы алабыттен режиссер мамандардың кәсіби дағдысы оқырманға қызық көрінері сөзсіз. Сондықтан бүгінгі тақырыпты режиссерлік өнердің өзіне емес, саладағы сабақтастық әрі буындар танымына арнаған жөн секілді.

РЕЖИССЕР – ШЫҒАРМА ШАМШЫРАҒЫ



Алдымен режиссердің сахнадағы салмағына үңілілік. Көп ұғымында аталған сала мамандары қойылымның көркемдік тұтастығын, кейіпкерлердің өзара қатынасын керек арнаға бұратын «сықыршы» санатында. Бұл шындыққа да жанасады. Себебі білікті режиссер кейіпкердің ішкі-сыртқы бейнесі арқылы саяси-әлеуметтік, азаматтық ұстанымын білдіріп, күрделі

мәселелерді ел назарына ұсынуға қауқарлы. Сапалы спектакльдің нәтижесінде аңғара бермейтін оқиға туралы тың түсінік қалыптастырып, өзге әлемге сапар шегуге болады. Оның үстіне режиссер шығармашылық процестен ләззат алып әрі шығарма авторы болса, әсер еселенері анық.

Міне, осындай жан-жақты саланың Сыр бойындағы жүлгесі көңіл аударуға тұрарлық. Алғашқы театр ашылған өңірден небір майталман маман, танымы терең режиссерлер шықты. Ж.Әбілғаев, Р.Андрисян, М.Байсеркенұлы, Е.Оразымбетов, Х.Теміров, Мен Дон Ук, Т.Өтебаев секілді санлақтар көрермен ықыласына бөленгені елге мәлім.

2-бетте



ШИЕЛІДЕН ШЫҚҚАН ТАЛАНТ

Арман Сейтжапбар – танымал тректердің авторы. Шатырда шабыт шақыратын әнші шебермен шектелмейді. Оның бойында еркіндік пен жастық жалын бар. Синтезден туған стилі де тым бөлек. Бала кезден әуен мен сөз сиқырының сырына қаныққан. Т.Жүргенов атындағы Қазақ ұлттық өнер академиясы колледжінің актер және вокалист мамандығы бойынша бітірген.

– Отбасымда жалғыз баламын. Содан болар анам алыстап Алматыға кетпей, бухгалтер болғанымды қалады. Кейін ата-анам таңдауымды түсініп, өнер жолына кадам басуыма қарсылық танытпады. Екінші курста оқып жүргенде ән жаза бастадым. «Байқоңырдағы махаббат» әнім Төреғали Төреәлінің көңілінен шығып, сол кісіге сыйға тартқаным есімде.

Қазір киноға кастингке де шақырып жатыр. Әзірге ән жазумен айналыспақпын. Мақсатым – осы бағытта өзім қалаған нәтижеге жету. «Басқа сандықтан» атауымен жеке альбом жарық көрді. Жақында тағы жинақ шығару жоспарда бар, – деді Аго. Иә, орындаушының тректері платформада 3 млн-нан астам тыңдалым жинаған.

4-бетте

Қойнауы тарихпен қабаттас, бастауы игі іспен сабақтас Қызылорданың дамуы қарқынды. Бұл – ұлт зиялылары ұйысқан қасиетті мекен. Екі ғасыр бойы еңсесін тіктеп, ел аузындағы ғибратты еселеп келеді. Шындығында, шырайлы шірдің шежіресі шетте қалып жатқан жоқ. «Ақмешіт» атауы да қолданыстан тыс қалмады. Осы орайда, шолу жасағанды жөн көрдік.

АҚМЕШІТТЕГІ «АҚМЕШІТТЕР»

Ақпарат айдындағы қос басылым

Қоғам тірлігінің тамыры журналистикамен қиолас. Сондықтан мерзімді басылымның маңызы мен мазмұны зор. «Ақмешіт апталығы» газеті 1994 жылдың 15 сәуірінде жарық көрді. Қазіргі таңда редакторы – Әзіз Батырбеков. Қалам ұстаған қауым қаланың тыныс-тіршілігін сөз етіп, жаңалықтың жаршысына айналды. Отыз жылда озық болған басылымның өзіндік орны қалыптасқан. Әділхан Бәймен негізін қалаған газет ғұмырлы болды десек артық емес. Әр жылдары орақ тілді, от ауызды журналистер басқарып, Сыр журналистикасының беделін арттырғаны ақиқат. Жаңа медианың талабына сай келген басылымның

жұмысы жемісті. Ойлы оқырманға мәнді мақала, татымды талдау ұсынып келеді. Жастардың төл басылымына айналған «Ақмешіт жастарының» алғашқы нөмірі 2013 жылы 7 қыркүйекте шықты. Әр жарияланымда өткір әрі өзекті мәселе көтеріп, қызықты дерек бөлісті. Республика деңгейіндегі жаңалықты қамтып, жастардың талғамын да ұмыт қалдырмады. Өйткені мұнда тәжірибелі тілшілер қызмет атқарып, кәсіби мамандар редакторлық етті. Газеттің үздіксіз жарық көруі тынымсыз еңбек пен зор ізденістің нәтижесі. Креативті жастардың бастамасын қолдап, жұмысын насихаттауда да басылымның атқарар рөлі айрықша.

4-бетте

Бүгінде облыста 7 конфессия өкілдері, олардың қатарында 182 мешіт, 15 шіркеу бар. Соның ішінде бабадан мұра, атадан аманат болып қалған Ислам төңірегінде әртүрлі алыпқашпа әңгімелер мен ақиқаттан өзге сөздер еріп жүргені жасырын емес. Олар шындыққа жанаспақ түгілі, илануға келмейтіндей деңгейде. Міне, сондай оспадар ойлы, өресі төменділердің әсерінен дініміз қайсы, дәстүріміз қандай деген күмәннің артынан еріп жататын жағдаяттардың ортасында қалдық.

Қазіргі күні байқасаңыз, жастар мешітке көп баратын болды. Дегенмен, сол жастардың бәрінің бірдей дінімізге деген көзқарасы дұрыс па әлде жаңсақ басып жүргендері де бар ма? Міне, гәптің бәрі осында!

ДІН МЕН ДӘСТҮР ДҮНИЕТАНЫМДАҒЫ ҰЛТТЫҚ ИММУНИТЕТ

Әсілінде, дін мен дәстүр – түбі бір егіз ұғым. Мұны біз, әсіресе жастар қауымы қалай ұғынып жүрміз? Бұл екеуі ажырамас, бір-бірімен біте қайнасқан ұғым. Оның аражігін ажырату үшін үлкен діни білім, ұлттық дәстүрді жете меңгерген қабілет керек. Ең бастысы, дініміз бен дәстүрімізді ұғындыратын, соған жетелейтін насихат құралы қажет. Қазақ халқы қашанда дәстүр-салтымен, әдет-ғұрпымен өмір сүрген халық. «Уықты басқұр сақтайды, ұлтты дәстүр сақтайды» деп бабаларымыз бекер айтпаса керек-ті.

5-бетте



ШЫНЫ
ЗАУЫТЫНДАҒЫ
ШЫМЫРЛЫҚ

3



ПТК АРНАСЫ:
«ЖАЛҒАН АҚПАРАТТАҒЫ»
ШЫНАЙЫ ӨЗІЛ

8

